


Հ Ա Ն Գ Ի Ս Տ

ԱՐԺԱՆԱՊԱՏԻՎ Տ. ՎԱՐԴԱՆ ՔԱՆԱՆԱՎԱՐԻՆ

Փետրվարի 19-ին վախճանվեց արժ. Տ. Վարդան քահանա Ա. Վարդերեսյանը:

Հանգուցյալը ծնվել է 1875 թվականի մայիսի 3-ին Հաջի-Հաբիրլիում (Մուսա-լեռ, Սիրիա): Նախակրթությունը ստանալով ժրխական դպրոցում, նա ինքնուրույն ջանասիրությամբ զարգացրել է իր մտահորիզոնը և հետագայում միևնույն դպրոցում և այլուր կատարել է ուսուցչի պաշտոն:

1913 թվականին նա ձեռնարկել է քահանա ծննդավայրի Ս. Աստվածածին եկեղեցու վրա և 40 տարի



վարել անբասիր եկեղեցականի կյանք: 1914 թվականին նա եղել է Մուսա-լեռյան հերոսամարտի գործունե կազմակերպիչներից, և իր ժողովրդի հետ ապաստանելով Պոր-Սաիրի գաղթականությանը, մինչև զինադադարը վարել անաշխորդական տեղապահի պաշտոնը, ուսուցել տեղի ազգային «Միավան» վարժարանում և մասնակցել ազգային-հասարակական աշխատանքների:

Վերադառնալով իր ծննդավայրը, նա քահանայագործել է այնտեղ մինչև 1926 թվականը, երբ հոգևոր վերին իշխանության կողմից ուղարկվել է Համա (Սիրիա)՝ որպես քահանա և ուսուցիչ, ապա 1927 թվականին վերադարձել Հալեպ և մինչև 1938 թվականը քահանայագործել տեղի Նոր-Գյուլ թաղամասի Ս. Գրիգոր Լուսավորիչ եկեղեցում:

1938 թվականին հաստատվելով Բեյրութում (Լիբանան), նա եղել է Ս. Հարություն եկեղեցու քահանան, վարել կրոնական ժողովի ատենապետությունը և անդամակցել ազգային-եկեղեցական այլ ժողովներին:

1946 թվականին նա վերադարձել է Սովետական Հայաստան, և, մի տարի էջմիածնի վանքում բնակվելուց հետո, տեղափոխվել

Երևան և հաստատվել հայրենի երկրում:

Հանգուցյալը ծանոթ էր իր գրասիրությանը: Նա հայկական հրատարակությունների լավ բիրլիոգրաֆ էր և իր գրքերից ու հիշողությանմբ կազմել էր Երուսաղեմի Ս. Հակոբյանց տպարանի գրացուցակը, որը հրատարակվել է տպարանի հիմնադրման հոբելյանի առիթով:

Հանգուցյալը հմուտ էր հայ եկեղեցական տոմարագիտության և պատրաստում էր օրացույցներ: Ունի մի համեստ անտիպ երկ՝ «Մեռն և մեռնօրհներ» խորագրով:

Իր անբասիր կյանքով, համեստ ու ժողովրդասեր բնավորությամբ, հանգուցյալը սիրվել և հարգվել էր ժողովրդից:

Վեհափառի բարեհաճ կարգադրությամբ, հանգուցյալի թաղումը տեղի ունեցավ արժանավայել կերպով: Տան կարգն ու լիացումը կատարվելուց հետո, շաբաթ օր, փետրվարի 21-ին, հանգուցյալի մարմինը փոխադրվեց Երևանի Ս. Սարգիս եկեղեցին: Կիրակի, փետրվարի 22-ին, պատարագի ընթացքում կատարվեց օծումը գերաշնորհ Տ. Սահակ եպիսկոպոսի ձեռքով և մասնակցությանմբ քահանայից դասի: Սրբազանը խոսեց դամբանական, զրվատելով հանգուցյալի համեստ արժանիքները: Հուզումով խոսեց և հուղարկավորներին հուզեց նաև հանգուցյալի հայրենակից և նրա աշակերտ Տ. Հակոբ քահանա Քելամյանը:

Ապա, սգակիրների և հանգուցյալի հիշատակը հարգողների ուղեկցությամբ, դագաղը առաջնորդվեց Ս. Էջմիածին, իր վերջին հանգստարանը՝ Ս. Գայանեի վանքի հյուսիսակողմը, միաբանական դամբարանների շարքում փորված գերեզմանը:

Հանգիստ հանգուցյալի աշխույժներին:

